

Broj:  
Srajevo, 09.04.2008. godine

**KOLEGIJ PREDSTAVNIČKOG DOMA  
KOLEGIJ DOMA NARODA  
PARLAMENTARNE SKUPŠTINE  
BOSNE I HERCEGOVINE**

**Z A P I S N I K**

**Bilateralna posjeta delegacije Parlamentarne skupštine Bosne i Hercegovine  
Nacionalnoj skupštini Republike Kube, 22-26.03.2008. godine**

Na poziv dr. Ricarda Alarcon de Quesad-a, predsjednika Nacionalne skupštine Republike Kube, delegacija Parlamentarne skupštine Bosne i Hercegovine u sastavu: g. Milorad Živković, predsjedavajući Predstavničkog doma, g. Beriz Belkić, zamjenik predsjedavajućeg, g. Ilija Filipović, zamjenik predsjedavajućeg Doma naroda PS BiH, gđa Mirsada Bukarić-Kovačević, rukovodilac Sektora za međunarodne odnose PS BiH i g. Faris Nović, prevodilac za španski jezik, posjetila je Republiku Kubu u periodu od 22-26.03.2008. godine.

**Delegacija PS BiH je imala prvi susret sa g. Ricardom Alarcon de Quesad-om, predsjednikom Parlamenta i g. Ramon Pez Ferra, poslanikom u Parlamentu Republike Kube i predsjednikom Komisije za međunarodne odnose.**

**G.Ricard Alarcon de Quesad, predsjednik Nacionalne skupštine Kube** je, nakon izaržene dobrodošlice delegaciji PS BiH iskazao inters za razgovore i o problemime od zajedničkog interesa u odnosima dva Parlamenta i dvije zemlje.Posebno je naglasio da su jake i čvrste veze karakterisale odnose između naših zemlja dugi niz godina. Sa žaljenjem je primijetio da se situacija mijenjala shodno svemu što se događalo na Balkanu.Istakao da su mir i stabilnost osnov daljeg zajedničkog puta , nezavisnog i bez konflikata.

**G. Milorad Živković** je izrazio zahvalnost Parlamentu Kube i predsjedniku de Quesad-u lično na pozivu. Istakao potrebu za jačanjem parlamentarne saradnje i „parlamentarne diplomatije“kao značajnog faktora u razvoju bilateralnih odnosa dvije zemlje.Upoznao domaćine sa konkretnim aktivnostima koje su pokrenute u BiH u cilju liberalizacije viznog režima prema građanima Kube (nosiocima diplomatskih pasoša), te istakao potrebu ratifikaciju određenih sporazuma koji se mogu potpisati ( imajući u vidu da je bivša zajednička država imala niz potpisanih sporazuma sa Kubom).Posebno naglasio da su pokrenute aktivnosti o potpisivanju sporazuma između dva ministarstva vanjskih poslova. Informisao domaćine da je Parlamentarna skupština Bosne i Hercegovine

imenovala Grupu prijateljstva sa Republikom Kubom i time otvorila nove mogućnosti brže i efikasnije saradnje. Posebno naglasio značaj potpisivanja Memoranduma o parlamentarnoj saradnji koji je dostavljen diplomatskim putem ( preko Ambasade Republike Kube u Budimpešti koja nerezidentno pokriva BiH i putem ambasade BiH u Otavi). Predsjedavajući Živković je iskoristio priliku da pozove g. De Quesada da na čelu parlamentarne delegacije Republike Kube posjeti Bosnu i Hercegovinu. Ponudio je izbor termina u zimskom periodu kako bi upoznali BiH u zimskom ambijentu. G. Živković je iskoristio priliku i upoznao domaćine sa organizacijom Parlamentarne skupštine BiH, te nadležnostima i načinom funkcionisanja i rada domova. Informisao o političkim prioritetima BiH, naglasivši evropski put, potpisivanje Sporazuma o stabilizaciji i pridruživanju i ostavriavanje članstava u euro-atlanskim integracijama kao osnovnim zadacima. S tim u vezi, naglasio da smo korak do potpisivanja.

**G. Ricardo Alarcon de Quesad** je upoznao delegaciju PS BiH sa formiranjem Komisija u nacionalnoj skupštini Republike Kube nakon okončanih izbora, čiji je broj povećan sa deset na dvanaest. Nekim je dat poseban značaj, kao što je slučaj sa Komisijom za zaštitu okoliša te onima kojie se bave vitalnim temama.

**G. Milorad Živković** je informisao domaćine da je BiH prihavtila KYOTO sporazum , koji je veoma zahtjevan po pitanju ispunjenja određenih klauzula. Također istakao potrebu educiranja i podizanja svijesti građana u predmetnoj problematici te prilagođavanja industrijske proizvodnje novim trendovima. Posebno naglasio potrebu za kvalitetnim učešćem i radom parlamentaraca u Komisijama što je uslov dobrog rada Parlamenta.

Domaćini su iskazali interes , kako se sa aspekta zakona može okarakterisati raspad bivše Jugoslavije.

**G. Beriz Belkić**, pridružujući se izrazima zahvalnosti na toplom prijemu i dobrodošlici na Kubu, upoznao domaćine sa načinom funkcionisanja i života tri prepoznatljiva naroda, dugogodišnjoj multietičnosti i multireligioznosti naših prostora , te posebno naglasio činjenicu da živimo u globalizaciji , potrebe da saradnjom i većom povezanošću malih država. Istakao važnost očuvanja stabilnosti na Zapadnom Balkanu te posebno poentirao potrebu jačanja saradnje sa susjedima ( bivšim državama zajedničke države ): Srbijom, Hrvatskom, Crnom Gorom, Makedonijom i drugima, sa kojima imamo zajedničke kulturne, jezičke , socijalne i druge elemente, čijim jačanjem možemo do većeg progressa u Regionu.

**G. Ramon Pez Ferra** predsjednik Komisije za vanjske poslove Nacionalne skupštine Republike Kube: Izrazio dobrodošlicu delegaciji PS BiH i upoznao sa jedinstvenim stavom kad je odlučivano o pozivu BiH parlamentarcima da posjete Kubu. Upoznao sa namjerama IPU delegacije Kube o učešću na Skupštini u Cape Town-u i Ženevi, te izrazio želju za za susret naših delegacija. Prihvatili poziv posjete PS BiH u vrijeme kada budu posjećivali Evropu, obzirom da bi na taj način izbjegli dvostruke troškova. Istakao dobre odnose koje ova Komisija i Skupština Kube generalno ima sa Upravni odborom IPU-a koji je dva puta svoje konferencije održavao na Kubi ( 1989. i 2001.) Posebno naglasio da Nacionalna skupština Kube ima veze sa 120 parlamenata, a do sada su imali sa 87 parlamentarne grupe prijateljstva, odnosno sa BiH PS BiH grupom prijateljstva - 88. Grupe prijateljstva imaju sa mnogim evropskim zemljama, zemljama Kariba ( izuzev salvadora ), Latinske Amerike i Afrike. Istakao potrebu i aktivnosti koje ova Skupština

čini na jačanju regionalne saradnje ( Parlament Centralne Amerike, Parlament Anda, Parlament Amazonije isl.). Istakao kao jedan od prioriteta Kube jačanje međunarodnih odnosa a time i parlamentarnih bilateralnih odnosa . naveo primjere kubanske realnosti kada ponekad odnosi između zemalja nisu dobri, ali su parlamentarni na zavidnoj visini.Naveo primjer saradnje sa Irskom.

Na kraju je naglasio potrebu jačanja parlamentarnih odnosa dviju zemalja.

**G Milorad Živković**, izrazio zadovoljstvo činjenicom da je BiH Parlamentarna delegacija prva na ovoj razini koja posjećuje Republiku Kubu . Informisao g. Ferr-a o učešću naše IPU delegacije na 118 Skupštini u Južnoafričkoj Republici i spremnosti naše delegacije da se u okviru bilateralnih sastanaka, a u cilju jačanja saradnje , sretne sa kubanskom delegacijom.Upoznao domaćine sa činjenicom da je Bosne i Hercegovina, 2006 .godine glasala u UN-u za podizanju embarga Kubi.

**G.Ilija Filipović**, izrazio zadovoljstvo što je, kao član Parlamentarne delegacije BiH u prilici posjetiti Kubu, posebno što je ova delegacija prva parlamentarna delegacija na ovoj razini koja posjećuje Kubu. Informisao domaćina da je BiH krenula putem oporavka nakon teškoga rata na Balkanu, što je podrazumijevalo demokratizaciju, privatizaciju i značajne promjene i preokrete u ekonomiji.Napomenuo da od bivše zajedničke države koristimo mnoge propise, zakone, kao što je Zakon o obligacijama.

### **Posjeta Institutu ( Zavodu ) za međuanrodnu saradnju**

**G. Enrique Romano**, prvi potpredsjednik instituta, uz izraze dobrodošlice, upoznao je sa osnovnim zadacima i principima na kojima se zasniva rad ove Institucije. Istakao da su solidarnost i prijateljstvo osnovni motivi rada instituta. Solidarisali su se sa mnogim organizacijama iz cijelog svijeta , s osnovnim ciljem borbe protiv blokade Kube i informisanosti vanjskog svijeta o stvarnosti i dešavanjima na Kubi.Posebno naglasio ulogu alternativnih medija od kojih imaju znatnu pomoć, istina koji se tehnički ne mogu porediti sa veliki medijima, ali da postižu cilju – realnije informišu o Kubi. G. Enriqe Romano se posebno osvrnuo na problem petorice pritvorenih Kubanaca u zatvoru u SAD-u i st im u vezi istakao ulogu pokreta Solidarnost , kao vrsti objektivne sponse sa EU. Izrazio očekivanja kubanske strane da EU bude više evropska i da objektivnije pristupa zahtjevima koji dolaze sa Kube. Izjavio da je Gvantanamo zatvor „sramota čovječanstva“. Za kubansko društvo rekao da nije savršeno, te da takvo i ne postoji.naglasio da bi u slučaju propasti – pada ovog društvenog sistema, Kuba ušla u kapitalizam treće kategorije ( kakvi su u Hondurasu, Salvadoru itd), koji ne bi dao mogućnosti razvoja zdravstvenih, kulturnih i drugih oblika –segmenta društva.Stav Instituta je da treba nastaviti razvoj socijalizma koji se razlikuje od onih koji su bili prisutni u istočnim zemljama Evrope. Na kraju svog izlaganja, g. Romano je izrazio iskrene simpatije sa narodima koji žive u našoj zemlji i iskazao duboko saosjećanje sa patnjama kroz koje su prošli narodi BiH.

**G. Milorad Živković**, predsjedavajući PD PS BiH je zahvalio na dobrodošlicu, toplom prijemu, upoznao domaćine sa nastojanjima i zadacima koje BiH treba ispuniti na putu ka EU integracijama – jedinom putu koji garantuje ekonomski prosperitet i za za koji u BiH postoji potpuni konsenzus.Izrazio spremnost da se putem IPU delegacija, Grupa prijateljstva i drugih vidova parlamentarne saradnje i dalje jačaju veze između BiH i Kube.

**G. Beriz Belkić**, Pridružio se izrazima zahvalnosti dobrodošlici i upoznao domaćine sa postojanjem sličnog Instituta nekada u BiH. Posebno naglasio potrebu i neophodnost bolje saradnje malih zemalja u borbi za očuvanje tekovina čovječanstva. Iznio stav da niko nema pravo određivati drugome kako urediti svoju zemlju. Izrazio impresioniranost materijom kojom se ovaj Institut bavi.

**G. Enrique Romano** je obrazložio način finansiranja ove institucije, navodeći dobit od turizma (turističkih agencija, restorana) kao fundamentalnog izvora za postojanje njihovog Instituta. Izrazio nadu daljeg jačanja odnosa između BiH i Kube, kao i saradnje na svim nivoima.

G. Ilija Filipović, zahvaljujući na toploj dobrodošlici, upoznao domaćine da je delegacija BiH PS na najvišem nivou, uz prisustvo članova oba doma. Istakao da naši narodi poznaju povijest Kube, te istakao da smo i mi živjeli u sličnom sistemu. Posebno naglasio želju i spremnost naše PS BiH da gajimo dobre odnose sa Kubom, kakve je njegovala i naša bivša zajednička država. Istakao da je ekonomski napredak Kube i napredak u tom segmentu veoma značajan, obzirom na okruženje u kojemu žive. Iznio impresije i lično oduševljenje vezi sa svim što je delegacija imala priliku vidjeti po dolasku na Kubu.

Sastanak sa g. Oscarom Martinezom Codrves-om, Odjel za međunarodne odnose Centralnog Komiteta Komunističke Partije Kube.

**G. Cordoves** je, pozdravljajući parlamentarnu delegaciju BiH, prvu delegaciju koja na ovom nivou posjećuje Kubu izrazio žaljenje što u BiH nemamo ambasadu. Istakao posebno dobre odnose koje je Kuba imala sa bivšom zajedničkom državom. Izrazio nadu daljeg razvoja odnosa, zašto se on lično zalaže, obzirom da je BiH u njegovom domenu. Pokazao interes za partijsku pripadnost članova delegacije i njihovo (patrijsko) članstvo u međunarodnim (socijaldemokratskim) asocijacijama.

**G. Milorad Živković**, je uz zahvalnost na prijemu i izrazima dobrodošlice upoznao domaćine sa opredjeljenjima BiH politike - putu ka EU, koji nema alternative, osim činjenice da, ne ispunjavajući zadate ciljeve, ostajemo sami

**G. Beriz Belkić** je u svom izlaganju istakao da BiH želi uspostaviti dobre odnose i sa malim zemljama, kako bi se ublažila (izbjegla) globalizacija. Napomenuo da BiH želi nastaviti njegovati tradicionalno prijateljske odnose sa Kubom ali da forsira saradnju sa Evropom i teži članstvu u EU.

**G. Ilija Filipović** je uz izraze zahvalnosti za dobrodošlicu i na upit domaćina o članstvu njihovih matičnih partija u međunarodnim organizacijama, istakao pripadnost HDZ Evropskim pučkim (narodnim) partijama. Upoznao domaćine sa događajima koji su obilježili period nastanka višestranačja, rat, potpisivanje Dejtonskog sporazuma, te izrazio nadu da će se ovo, ne baš sretno rješenje po narode BiH, riješiti ulaskom u EU integracije. Posebno naglasio da je ova parlamentarna delegacija došla u posjet Kubi sa željom da pokrene međuparlamentarnu saradnju, koja može probuditi i ostale vidove saradnje, pa i ekonomsku.

**G. Milorad Živković** je objasnio domaćinima da u BiH imamo nekoliko viđenja budućnosti. Istakao da želimo napraviti državu dovoljno dobru i veliku za sve, u kojoj će se svi njeni građani dobro osjećati, te težimo razvoju ekonomije koja će obezbijediti stanovništvu bolji i lagodniji život. Također upoznao domaćine sa energetske i drugim resursima BiH, te posebno istakao oblast turizma kao perspektivnu granu privrede.

**G.Cordoves:** Podcrtao da Komunistička partija Kube odražava i predstavlja svakog Kubanca, u kulturološkom, istorijskom i svakom drugom pogledu. Napomenuo da svaka zemlja pravi sistem prema svojim osobenostima. izrazio uvjerenje da će u dogledno vrijeme Kuba imati (otvoriti ) ambasadu i u sarajevu, te da očekuju da i BiH otvori u Havani. Trenutno se ta aktivnost ne može realizirati zbog ograničenih finansija, ali teže tome da broju više od sto ambasada vani pridodaju i u Sarajevu. Iznio podatak da u Havani imaju oko osamdeset ambasada. Posebno naglasio da se veze sa drugim zemljama trebaju uspostavljati preko politike. Regionalno povezivanje i integracije okarakterisao kao posebno značajne, te potkrijepio primjerom mnogih asocijacija karipskih zemalja.

Posebno zahvalio BiH na solidarnosti i razumijevanje kubanske blokade, koja je značajno uticala i na ekonomski status Kube.

Kubanska KP , prema riječima g. Cordoves-a ima kontakte sa više od petsto pokreta i partija u svijetu, uglavnom ljevicom. Posebno se interesovao i zatražio od članova delegacije PS BiH da iznesu svoje viđenje kosovskog problema.

**G. Milorad Živković,** zahvalio na iscrpnim informacijama. Upoznao domaćine sa poduzetim aktivnostima u cilju podizanja nivoa odnosa sa Kubom.

**G. Beriz Belkić,** Izrazio žaljenje što BiH nema niti jednu ambasadu u Latinskoj Americi

**G. Živković i g. Belkić** su dali prikaz trenutnog odnosa BiH prema statusu Kosova.

#### **Sastanak sa g. Eumelio-m Caballerom, zamjenikom ministra vanjskih poslova Kube:**

G. Caballero: Posebno zadovoljstvo iskazao dolaskom prve parlamentarne delegacije na Kubu. Prenio srdačne pozdrave ministra vanjskih poslova koji se u trenutku realizacije posjete BiH delegacije nalazi u Dakaru – u Senegalu. Obzirom da su zemlje Evrope domen njegovog rada i da su odnosi sa mnogim izuzetno dobri i konstruktivni. najveću podršku, po njegovim riječima dobivaju od zemalja Evropske Unije . Izrazio interes za bivanja na Kosovu. S tim u vezi rekao da je došlo do kršenja međunarodnog prava. Posebno naglasio da narodi Balkana imaju istorijske veze sa Kubom te da se osjeti nostalgija za vremenom nesvrstanih. Pratile su i imaju znanja o zbivanjima u neposrednoj prošlosti, ali da imaju podjednako dobre prijetele i veze sa vime zemljama bivše zajedničke države. Posebno izrazio zadovoljstvo, da je prilikom posjete Bosni i Hercegovini uvjerio se u prijateljsko raspoloženje i naišao na potpuni prijateljski ambijent. Iznio podatak da su finansijske prepreke jedine koje sprečavaju otvaranje ambasade u Sarajevu.

**G. Milorad Živković,** Izrazio zadovoljstvo da je u sarajevu mogao sresti se sa ambasadoricom gđom Sorajom Alvarez te da je obostarno izražena želja za pojačanjem aktivnosti BiH –Kuba. U vezi sa kosovskim pitanjem, upoznao domaćine sa specifičnim pristupom ovom pitanju: SAD su priznale, Rusija nije; ukoliko BiH bude priznavala Kosovo, biće jedna od posljednjih zemalja koja će to učiniti. Naš način priznavanja je veoma komplikovan, jer srpski narod u BiH se solidariše sa srpskim narodom na Kosovu. S druge strane, istakao je g. Živković veoma je bitno sačuvati stabilnost u Regionu. Zalažemo se za zaštitu ljudi ali kulturnih dobara i spomenika .BiH u ovom trenutku ne može dati adekvatan odgovor.

**G. Živković** je nadalje istakao da je jedini interes BiH Evropski put i priključenje EU. Izrazio nadu skorog parafiranja Sporazuma o stabilizaciji i pridruživanje, a svakako

prije toga ispunjenja uslova potrebnih za to ( u parlamentu BiH ).Istakao značaj ovog čina koji nas vodi do predpristupnih fondova EU koji će pomoći razvoju ekonomije i društva uopšte. G. Živković je izrazio nadu da će se tada više pisati (BiH ) o ekonomiji, socijalnim programima, razvoju.

**G. Caballero**, Podržao politiku dogovora prihvaćenog od strane obje strane.Posebno zadovoljstvo izrazio intezitetom razvoja saradnje Kube sa EU u posljednje vrijeme.Većina članica EU ide putem normalizacije odnosa sa Kubom.Veze posebno jačaju u domenu kulture, ekonomije, turizma. Dobre odnose po riječima g. Caballer-a Kuba ima sa svim zemljama kariba, danas i sa Rusijom ( nedavno su imali premijersku posjetu Moskvi, gdje se razgovaralo o pitanju duga).Informisao o dobrim odnosima sa zemljama Centralne Azije. Komentirao predstojeće izbore u SAD-u.U vezi sa ekonomijom Kube, posebno naglasio da Kuba ne može tolerisati greške, to bi bio luksuz u konstalaciji pedesetogodišnje blokade koju su im nametnuli prvi susjedi.Na kraju je citirao komandanta Kastara „Amerika nas neće uzeti“, te rekao da Kubanci imaju puno posla kojeg radimo s mnogo ljubavi.

Izrazio nadu da će BiH uspjeti u svojim nastojanjima na putu ka EU, posebno naglašavajući bogatstvo kojim je BiH obdarena, kroz raznolikosti koje su njen sastavni dio(multietinost, multireligioznost i multikulturnost).

**G. Živković** je obećao da će delegacija Parlamentarne skupštine BiH prenijeti i učiniti sve da se sardnja između BiH i Kube intezivira i podigne na višu razinu.

**G. Belkić**, Posebno potencirao razvoj ekonomske saradnje, turizma. Istakao značaj dobre saradnje sa susjedima. Podržao pravo svake države na izbor i perspektivu.

**Sastanak sa g. Pedrom Luisom Padronom, zamjenikom ministar vanjske trgovine Republike Kube:**

**g.Milorad Živković** je, zahvaljujući na toplom prijemu istakao da posjeta prijateljskoj Kubi ima za cilj jačanje parlamentarne saradnje, podsticanje ekonomske saradnje, turizma te kulturne, zdravstvene i dr.Napomenuo da je izvršna vlast ta koja će potpisati potrebne sporazume.Upoznao sa nastojanjima i poduzetim konkretnim aktivnostima BiH starne prema Kubi , nastojanjima o liberaliazaciji viznog režima te reviziji sporazuma koje je bivša zajednička država potpisala a koji nisu ratifikovani od starne BiH.Posebno informisao o nastojanjima – parlamentarne diplomatije da se odnosi između dvije zemlje podignu na viši nivo. Tome u prilog naveo nedavno imenovanje i članova Grupe prijateljstva PS BiH sa Republikom Kubom.

**G.Padron**, izrazio dobrodošlicu prvoj delegaciji-predstavnicima zakonodavne vlasti koja posjećuje republiku Kubu. Upoznao delegaciju sa potrebom potpisivanja Sporazuma o trgovini, koji je dostavljen BiH parlamentu neposredno pred polazak na Kubu ( putem ambasade Kube u Budimpešti).Iznio stav da Sporazum nije komplikovan te da predstavlja kišobran za poslovne ljude dvije zemlje .Informisao BiH delegaciju da ministarstvo za strana ulaganja Kube ima određenih zahtjeva za privilegijama , koje je do asada bilo nemoguće zbog blokade realizovati.Upoznao delegaciju sa privrednim i drugim pokazateljima razvoja zemlje , ističući da najveći prihod dolazi od usluga. Prvi i najveći gospodarski saradnik je Venecuela. Kuba izvozi nikl( najviše u Kanadu) odakle uvozi životne namirnice.Najbolju saradnju, prema riječima g. Pedrona Kuba ima sa zemljama Regiona.Izrazio zadovoljstva zbog budućeg trgovinskog približavanja naših zemalja.G. padron je uputio poziv BiH : vanjskotrgovinskoj komori i Agenciji za strana ulaganja da učestvuju 26.novembra 2008. godine na velikom Havana sajmu , na koji su

do sada prijavili učešće oko 1600 privrednih delegacija iz cijelog svijeta. S tim u vezi iznio činjenicu da Kuba ima preferentne ugovore sa zemljama Južne Amerike, sa Gvatemalom, Panamom, te da se ta prednost može koristiti u našim daljim komunikacijama.

**G. Milorad Živković:** Zahvalio i obavijestio domaćine da će ugovor biti prosljeđen Vijeću ministara BiH, koji će u skladu sa našim propisima pristupiti njegovoj obradi.

### **Sastanak sa g. Ricardom Guerrerom Blancom, zamjenikom ministra za strana ulaganja.**

**G. Blanco** je uputio toplu dobrodošlicu delegaciji PS BiH i prenio tople pozdrave ministrice koja se nalazi na čelu njegovog ministarstva a koja se u trenutku odvijanja ove posjete nalazi u službenoj posjeti Turskoj gdje učestvuje u radu godišnjeg sastanka Mješovitog komiteta Kuba –Turska. Istakao da je glavni cilj rada ministarstva razvoj ekonomske saradnje i strana ulaganja na Kubu. Posebno naglasio aktivnosti na organizaciji dijaloga između vlada i potencijalnih stranih ulagača. Podcrtao ključnu ulogu Vlade koja stvara ambijent i uslove za to. Istakao razvojnu saradnju kao vrstu ponude sagovornicima i zainteresiranim stranama za Kubu. Osnov za njihov rad, je kreiranje zakonodavne baze, što podrazumijeva komercijalne sporazume i saradnju uopšte. Napomenuo da sa BiH imaju indirektnu vezu, jer su sa bivšom zajedničkom državom imali izuzetno dobre odnose. Poentirao saradnju sa Srbijom, Hrvatskom i Slovenijom, te izrazio nadu da će predstojeće vrijeme pogodovati razvoju odnosa i sa BiH. Napomenuo da je Sporazum o trgovinskoj saradnji upućen BiH sa željom da isti bude uskoro parafiran. Napomenuo da se radi o tipskom ugovoru koji može biti potpisan tek kad potpišemo Sporazum o međudržavnoj saradnji. Izrazio uvjerenje da možemo naći zajednički jezik i interes kad je riječ o ekonomskoj saradnji.

**G. Milorad Živković** je uz zahvalnost za dobrodošlicu, pozdravio ponudu g. Blanca te podcrtao da parlamentarna diplomacija i razgovori na ovom nivou mogu biti stimulativni i podstrek buduće saradnje. Upoznao domaćine sa nastojanjima BiH da unaprijedi saradnju BiH sa Kubom, posebno u segmentu viznog režima, ratifikacije sporazuma itd.

G. Živković je iznio svoje impresije načinom i oblikom edukacije koji su prezentirani na Medicinskom fakultetu u Havani

**G. Blanco** je zahvalio još jedanput delegaciji PS BiH i g. Živkoviću lično koji je učinio historijsku posjetu Kubi u svojstvu prvog predsjednika Parlamenta jedne zemlje koja je došla u Havanu.

Iznio podatak da se 90-tih godina krenulo sa postepenim otvaranjem i stranim ulaganjima. Ne prodaju zemlju, već daju pravo na korištenje. Strana ulaganja u turizmu prihvataju preko usluga (restorani). Do sada nisu prihvatana strana ulaganja u izgradnji, ali se situacija mijenja, sada su spremni i to prihvatiti. Iznio podatak da su gotovo svi hoteli pod administracijom stranih firmi (oni obezbjeđuju klijentelu tokom cijele godine i staraju se o popunjenosti kapaciteta). igre na sreću nisu dozvoljene zakonom na Kubi. Trenutno imaju program izgradnje jedanaest golf terena sa svim pratećim objektima. U tom smislu potrebni su im iskustvo i partner! Planiraju izgradnju marine za srednje i male brodove (jahte) najveće u Karipskom moru. U hidrotehničkom segmentu Kuba nema potencijala.

**G. Živković** je zahvalio domaćinu na iscrpnim informacijama te iskoristio priliku da ga pozove da posjeti Bosnu i Hercegovinu.

Delegacija PS BiH je u tokom posjete Kubi, posjetila Oftalmološku kliniku u Havani koja provodi projekat besplatne operacije katarakte svim Kumancima i Kubankama sa ovim problemom te Medicinski fakultet za edukaciju studenata iz cijele Regije.

Svečanu večeru u čast delegacije Parlamentarne skupštine Bosne i Hercegovine priredio je g. Ricardo Alarcon de Quesad, predsjednik Nacionalne skupštine republike Kube. Večeri su prisustvovali najbliži saradnici g. De Quesada, a održana je u Rezidencijalnom objektu Nacionalne skupštine r Kube.

Zapisnik sačinila :  
Mirsada Bukarić-Kovačević